



花宜館詩鈔卷之九

錢塘吳振棫宜甫

古今體詩六十二首

起丁酉秋
盡戊戌冬

李海帆廉訪

宗傳

海上釣鼈圖

蒼蒼茫茫海濤起閒閒寂寂釣絲理礮溪嚴瀨皆已矣
突兀千秋謫仙李掀髯一笑連六鼈斬蛟射虎皆非豪
豈知遊戲亦偶耳萬事何足為名高日月所出我所遊
人間幻態看蜃樓睡起狂吟遣愁寂秋潮倒飛作霹靂
思君太白星夜明招之不來杯獨傾幾時共醉跨鼈背
手把芙蓉朝紫清雲荒霧積聞吟嘯我無長綸不能釣
花宜館詩鈔

卷九

情深恥作鮫人泣技薄終令龍伯笑井蛙局促何足尤

郭璞傳井蛙
何足量海鼈

而我已是忘機鷗看君努力立四極竟欲

歸釣西湖秋

又題望峨眉積雪圖

聞道峨眉雪飛從龍漢前有時作春水萬里送吳船凍
合巖頭月青留鳥外天何當依古佛擁衲看經年

抱犢山人四友圖

塵壒日以遠草木日以親品楮豈不殊相賞各有真昔
者抱犢叟垂白為田民百年永相保保此山中春既念
臭味合遂挽風氣醇不見冠帶場結交從貴人孤芳揜

蒼棊古道生荆榛

萊州三忠詩同陳元圃孝廉

超作有序

明贈太常卿朱公名萬年字鶴南貴州黎平人
萬歷舉人歷官萊州知府崇禎四年遊擊孔有
德援大凌河至吳橋兵變回戈東指所過州縣
皆殘破萊民驚竄公下令嚴禁飭器械儲軍食
爲守禦計賊至萊不攻而東陷登州明年二月
來攻萊州公出奇拒敵數月不懈會朝議主撫
賊詭乞降命公往受之公曰賊破城殺命吏自
知法不赦必不降且未經大創志甚驕往則徒

花宜館詩鈔

卷九

二

損國威耳然知府爲王臣此身不敢惜也遂行
果爲賊所執公紿之曰我能爲若呼守城者出
降賊以精騎五百擁公至城下公大呼曰我被
劫誓必死彼精騎盡在此可發礮急擊之無顧
我守將楊御蕃猶不忍公頓足大呼賊怒亂傳
刃大罵而絕城上見公死遂發礮賊精騎燬者
過半時七月七日也

萊州一城如彈丸賊攻七月城獨完盟忠誓義經營慘
能合一城爲一膽賊氣方驕豈就撫徒損國威事何補
受命而行就死所義不避死官守土以降誘賊賊不猜

擁以精騎城下來大呼城頭速擊賊賊怒公誥刃橫臆
須臾烟燄蔽天黑五百精騎一礮殛桓桓智勇安可得
死後猶禿虎狼魄君不見嘜血罵賊血模糊常山睢陽
世豈無太守者誰烈丈夫公每語人曰生爲奇男子死爲烈丈夫 萬年其
名其姓朱

明贈兵部尙書忠烈徐公名從治字仲華浙江
海鹽人萬歷丁未進士歷官右布政使請告歸
養起薊州兵備尋加左布政使復移疾歸里崇
禎辛未起山東武德兵備會孔有德叛陷登州
遂拜都察院右副都御史巡撫山東兵部議上

花宜館詩鈔

卷九

三

方畧曰萊撫駐萊濟撫駐青公以萊爲山東屏
蔽無萊則青濟皆危乃馳入萊與萊撫謝公同
日受事爲死守計兵部主事張國臣奉撫議出
遣使爲賊求撫公大罵曰安得上方劍斬此大
姦細乎屢疏言不可撫狀且言臣當死爲厲鬼
以殺賊不敢以撫謾至尊疏入不報四月十六
日賊礮擊城西南隅甚厲公方簡閱丁壯左右
請少卻公曰不可語未竟中礮死

活囚四萬六千人

勦白蓮
教事

築隄八萬七千丈

知桐城
縣時事生

平治績在人口一死英靈滿天壤濟撫駐青非駐萊圍

城入守何爲哉尺寸必爭吾土地豈肯卻避徇朝議無
萊卽恐無全齊以死扼賊賊不西賊雖善攻我善守壯
哉男子世無有公語金一鱗曰賊善攻我善守我不能守此賊不笨男子天昏日慘
血漉漉礮火光中萬家哭噫吁嘻死後殺賊願爲厲恨
不生前賜劍殺奸細

明贈兵部右侍郎謝公璉字韶石湖廣進士歷
官巡撫以事繫刑部獄孔有德陷登州詔逮巡
撫余大成出公獄中擢登萊巡撫指蹤方畧竭
力守禦張國臣承柄臣意爲賊求撫公荅書云
城下之盟必不能從其後徐撫死督理兵部侍

花宜館詩鈔

卷九

四

郎劉宇烈畏賊不進力主撫議齋僞旨命同朱
公萬年出撫賊賊謬爲悔罪狀公信之次日推
官屈宜揚復請出城讀詔遂被執至登州死

千七百里九日至

公受命自京至萊僅九日

介馬而馳入危地象人

愚賊隧道平布囊實土重城成

事見平叛記

當時一心誓死

守荅書早恥城下盟議撫百口同一辭援兵再潰城不
支亦知撫賊必死賊云不可撫孰信之不然屢疏血淚
逆未聞促戰來王師姑以一死警聳贖或者救救孤城

危裏屍馬革自素願以撫而死心逾悲吁嗟乎忠奸不

同生死別死公竟不死宇烈

賊是日本欲見宇烈宇烈懼被劫不果往

冬夜作簡沈友香 瀛 陳元圃 超 陳曼士 鑑

冬煖雪霏稀北風吹微雨冥冥鬱巖岫械械黠檐宇一
鳥將數雛嗚呼惜毛羽折若焉可巢窮栖將何所青天
覆四海鸞鶴紛軒翥萬里去絕遠不復相爾汝

江籬生窮渚幽蘭在空谷被蒙佳人愛采采置華屋湛
露萼春榮鮮颺扇秋馥推移四時運榮謝乘溫肅莊生
觀物化老氏言止足責重危昔榮神恬覲今福清懷委
枯桐母歎日月速

庭月有寒色嘉賓猶見從開酌申夕歡酒味不在釀清
談一何綺欣然解胸春借問岡嶺間鬱鬱松栢桐苟非
花宜館詩鈔 卷九 五

抱堅操曷以陵霜冬弱水西向流蕩瀟江河東東西詎
可合白水心則同

元圃和予前詩獎勉逾分因爲二詩荅之

東海浩萬里春風馴白鷗昔君惠然來芳杜綠滿洲風
流玉塵尾文采珊瑚鉤處爲瘵饑吟而抱四海憂騶吾
何般般鳳皇何秋秋念茲百族長懼淪凡衆儔
誓墓虛所懷紆我海濱轍比歲穀不登民窮政益拙涕
洟向流亡忍此寸祿竊薄謫被

國恩感激肝肺熱佳人朝有貽鄭重瑤華折恐予怒如
疔宛轉爲閒說意摯非爲諛才限詎辭劣臣精矧銷亡

異日何施設飢溺三代民援拯望人傑

送元圃歸觀濟南卽赴禮部試

王修識童幼楊俊拔牧兒我昔守濟南目迷不子知詎
意窮海濱子來相娛嬉野航空其腹載車東渡濰我有
一瘦男黃犢非健姿計較豬與龍那免累月咎我從講
肄暇造談樂孤驕英風動戶牖子尤工說詩鉅細括百
家奇正測鼓旗義貫肉在弗語妙椎碎誰能舍子臥
欠伸夕忘疲盲風不恤物日夜自北吹林瘖啄雪鶴海
僵負冰螭陽和何時回慘慘痛裂肌而適被薄譴章服
忽見褫場翼蒿艾間飛去將何時子留慰情話子去益

花宜館詩鈔

卷九

六

輞飢我意不自釋况弟子于師子豈忍去我倚閭親衰
羸更聞上計吏夙駕不得遲鄭州城荒荒雄州水瀰瀰
寒沙入幽薊京國路透迤京國蔚賢達著作其職司八
伯盛歌唱靈祇下窺覲下集萬國彥鱗羽萃天池莫言
跼萼繁若木赭九枝莫言沼沚澄江河橫地維合金冶
軒鼎伐山通禹樑自從乾嘉來斯事聖者誰衆奏自繁
會雅頌焉可虧嘗觀子所作氣雄出孤羆秀者芙蓉華
何假雕飾爲天門闢九扇金玉爲階墀翔翔勉自力遠
與嚴馬追語采風謠新事據紀傳遺在朝金與石在野

管與絲

六聖二百載盛業流瀄熙吾衰不任此子今其庶幾此行適我願何用苦繫維珍重慎自愛門外路有歧

歲暮雜興八首

庶草榮枯轉眼非天心人事每相違城頭日落狐狂嘯海上風高鷓退飛未議徙薪慚失策苦聞懸磬病啼饑
統如街鼓從推去父老無煩動累歎

楚弓得失漫斷斷變幻須臾指白雲墮落早憐仙小劫
排根不信吏深文思從野老田閒話難忘鈞天

帝所聞恩重

兩朝頻感涕起看

花宜館詩鈔

卷九

七

紫極氣氤氳

螭頭舊侍

玉宸朝斂版風塵歎寂寥豈有微才能報國空將壯志
付題橋半生匹馬馳驅路故國雙魚早暮潮遙致親鄰
無別語妄心如膜已全消

簿領人輕近替權海靖相狎獨悠然讀書枉羨如神筆
從宦偏慳使鬼錢惘惘妻孥可憐色蕭蕭風日最寒天

且容鼾睡他人榻

時新政
尙未至

夢繞紅亭醋庫前

在菜市橋
東見咸漬

臨安志計其地
與做廬相近

重埽蛾眉意已慵承恩無地若爲容貴人袞袞施行馬

未俗紛紛好畫龍垂老生涯貪大藥尋幽心事向枯筇
故交書共梅花寄傲我湖樓臘甕濃

哀樂相尋涕易揮清商揜抑悵琴徽百年日月蜉蝣短

永夜江湖鴻雁歸老我顛毛傳座酒驚心刀尺上天衣
在萊四年喪一聊相慰藉山無恙拄笏寒晨向翠微
女五僕一幕容

句裏光芒腕底魂武林耆舊幾生存敬鄉心擬吳師道
傳視名慚范伯孫

時刊先大父杭郡詩輯及棫
續緝詩凡七十八卷甫畢

千古文

章多謫宦六橋花月斷清尊

汪小米結東軒吟社前後
百集棫嘗追陪其間今吳

子律梁久竹錢蕙臆諸秋士及小米
皆下世矣清尊集者所刊社中詩也西州門外他時路
華屋山邱總涕痕

花宜館詩鈔

卷九

八

恐惱比鄰莫放歌涸陰鄉裏苦寒多極憐舊業無蝸舍
故鄉老屋不堪棲未用人情問雀羅詩責兒曹荒幼學
止欲謀移居未得

醫窮小婦負沈痾欲書驢券商歸計磴雪河冰奈遠何

去萊州與父老別

寡識政易乖曠官歲已久愧負父老多父老愛我厚飢
羸今何如忍飲卮中酒驅車復驅車淚濕道旁柳

濰縣與林秋厓明府

士駿林與余
同罷官別

把琰休歌棄婦詞恐君禿盡鬢邊絲白狼河上青青草

惆悵春風似舊時

偶成

暫解朝紳靜掩扉故人玉札近今稀柳塘盡日濛濛絮
還傍東風上客衣

雜詩

皇塗清且夸駑駿相爲伍峻阪忽僨轅十駕徒自苦構
厦匠庀材大小各有取棟梁假蒿艾終憂敗風雨壯夫
乘長風破浪快帆艣豈知萬里流中有沈舟渚量盈器
易敬道昧境多阻懷哉稷與契慎弗輕自許

寒者思菽桑飢者思食棗鷄鳴百憂生枕席令人老我
有數卷書讀之恨不早避俗心自澄始知山中好自治
苟不力榛芳何由掃念茲炳燭光寸陰以爲寶

花宜館詩鈔

卷九

九

貞木無曲枝貞弦無淫響本性物有然匪求耳目賞君
子崇令德穆然黃虞想今人多謗傷昔人亦已往百年
何所求琴歌聊自廣苟非相知深功業豈鹵莽黃屋方
側席薦善在宏獎握髮吐哺心赤烏吁可仰

宿淄河哭鴻治

潘楊情好敦婚宦肇蜀徼

君爲秋樵從父女夫乾隆乙卯後吾父及從父與君之祖

若父皆宦于蜀

人間歲月短追往益悲嘯弱冠遊京師相攜喜

同調歌樓恣酣嬉花市約遊眺旁人笑相指跌蕩兩年
少君善爲文章能闢古堂奧瘦語削寒鐵取曲不嫌拗
予旣籍承明君亦秋解噪數從計吏來荆玉光未耀門

戶方中衰無地遂耕釣因爲寫書官黃綬求自效三版
心自虔五斗骨難傲瘦奴擁裋襦陋室蔽蓬藿衙參旅
進退齒冷無理鬧十年得小縣喉轄三郡要往來織車
馬候人日相告供帳亦甚艱僻陋尙貽誚比歲穀不登
春旱接秋澇流亡溝中瘠強黠村頭剽舉債佐官錢買
穀平價糶概量示均平蟻衆靜不課旣用恤瘡痍亦以
息鈔盜經營實勞安集乃稍稍不見道旁碑墮淚到
童髻冢墓桐鄉祠畫像汝南造古今去後思德政同表

暴

拯荒在乙未丙申之間碑則近日所建

又聞理冤滯臨事心無躁上官

命慮囚奉檄征車膏夜堂犯嚴寒病入精氣耗未與妻

花宜館詩鈔

卷九

十

子訣竟赴上帝召

奉調至省鞫囚日夜不得休息遂病歿于耶舍妻子在臨淄未及見也

生已塵甑傷死恐葛帔悼九原債可避八口飢難療誰

言仕宦樂但可黔婁較昔我察所部君來心所好每從

淄水渡驛舍君必到越酒爲我沽吳羹爲我莼輒言少

年時盛氣食虎豹安肯一室中低頭事灑埽傾家博一

官曳尾入泥淖牛驥嗟共牢媿施反憎貌不爲威鳳翔

而作寒蟲叫平生恥言媚違問奧與竈侵尋失少壯短

髮雪侵帽換縣且未能看人擁旗纛語罷傾百觴意氣

尙籠罩南有天齊淵怒泉噴石竅甚我往觀之奇境性

所樂已屏騶吏喧但許邨叟導茶烟石亭秋共聽琴筑

妙日月曾幾何嗟爾夢先覺山川固依然室宇仍窅窳
無復黃馬談遽作青蠅弔何須感鄰笛淚已長河倒迢
迢望山陰歸程細檢校江河隔風濤蒙沂雜山嶠諸孤
依病母遺卵艱啄菹攸喪實賴絲原亡乃託瑁哀哉今
之人高義庶幾蹈樵車忍滯留何時返素旒

劉眉生方伯

斯帽

招看海棠枕上聞大風雨作二

絕句

枕上東風一夜狂不知減卻幾分香春陰也是尋常事
可惜無人拜綠章

十年栽種始成陰費盡紅闌愛護心若使尊前風更雨

花宜館詩鈔

卷九

十一

別愁還比落花深

方伯將入覲

文園爲如皋汪氏別業二十年前文酒之會頗盛

今已荒落矣曉堂司馬

承鏞

以舊圖相示爲題

二詩

退宦烟霞契江南水竹村漫悲耆舊盡猶有畫圖存帆
影移蘿幌鶯聲傍玉尊百年遊賞地重向客中論

望衡情不厭就汝嵒山湖湖上應遊遍春來似畫無征

塵愁斥候

曉堂將有轉餉之役

鄉夢逐鷗鳧埽徑他年約花前選

策俱

爲海帆廉訪題畫二首

峨邊禽蠻圖

十三支夷剽西邊殺人如麻血成淵何人持重不欲戰
雕戈畫斧行遷延屢以金幣直賞亂擁兵自衛尤可憐
先生躍馬氣何壯自募僮突開武帳馬前大旗十丈紅
捉生猛士袴褶從蠻酋衿甲坐鼓下壺漿四野歡聲同
惜哉金符不在手不然埽穴收奇功佳兵不祥語誠是
縮胸將母國所恥烏喙有毒非漫嘗用之得當痼疾已
堂堂節鉞制一方忍以赤子委虎狼藏頭郟間覲無事
朝廷威命何由揚近聞邊師大克捷旌牛徼外兇魂懾
回頭風雨國殤多幾度陰燐上荒堞當日何人重老謀

花宜館詩鈔

卷九

二

空留感憤詩盈篋

廉訪軍中詩一卷多感事抒憤之作

能縱能禽思葛侯

綸巾羽扇真風流後來勲業知誰似西望籌邊百尺樓

凌雲載酒圖

古人去已遠巴江無盡流西風帆江水復見凌雲遊羣
鷺下松瀑萬山青寺樓樽前一高詠俯仰有千秋

寄翟文泉進士

五升

萊州

萊人愛我似桐鄉況是情深翰墨場翦燭雪窗還往數
攜琴花嶼嘯歌長具衰炯炯催行色祖道家家長別觴
投枕至今魂夢繞海雲紅處讀書堂

未能相就縛茅茨芳醕重銜定幾時懸帳淋漓數行字

分襟珍重兩篇詩情深蛩蛭誰能似悟到蜘蛛我已遲
千里瓜刀勤覓取尺書猶得展相思

文泉隱居不出以
隸書名生平不輕

爲詩而以二詩
送余意甚厚也

大姪春燾報罷南歸見予于濟南將別賦詩五首

愁予方濩落盼爾急騰驤失意今相見無言默自傷濺

花春有淚斫劍夜無芒相骨真傳少悲歌共激昂

昔至東萊郡

丙申姪
嘗至萊

驕懷得暫寬今逢歷亭下聚語不

成歡涕淚招魂屢

余去年喪一女
今年又喪一妾

功名復玷難翻勞臨

別意再拜勸加餐

迢遞三千里征塵何日休嶽晴雲覆笠江暖雨隨舟孤

花宜館詩鈔

卷九

三

諷消殘燭歸裝賸敝裘未須悲別足且慰倚閭憂

寒烟桐隴曲宰木鬱清陰未遂誅茅願虛懷誓墓心雲

山將夢遠霜露入愁深獨返吾慙汝萍流恨不禁

爾抱鴿原痛孤兒幾尺長未能拋藥裹便恐廢巾箱過

小情當恕經疑語必詳庭階他日見玉樹喜成行

寄春木廣濟

縣屬
黃州

向來楚蜀倦扁舟欲抱遺經老故邱

盛世才人空白首大江明月又黃州徹賢榻下周璆數

憶弟詩成杜老愁春雨泖湖芳杜長門前冷落舊沙鷗

濟南春日

池館花飛客恨長百年潦倒鬢初霜功名易退邱靈鞠
姓氏虛傳盛孝章月色故園三五夜酒杯高興萬千場
誰憐留滯華山下獨臥春風局腳牀

移居城東

富貴何必金谷園神仙何必桃花源地偏心遠涵妙理
卜居欲與靈龜言城東老屋極閒敞野樹圍綠成崇垣
吟詩貧孟頗可學家具借載雙短轅查查山鵲噪晴曉
亟埽庭戶除籬藩佳花秀竹苦未種但有瓠葉青幡幡
郭門相望不百步名泉十數沿城根是名水樂勝絲竹
倚樹可以娛朝昏病屨憚暑未敢往下簾撈我蠶雷喧

花宜館詩鈔

卷九

十四

連朝蘊隆旱太甚上腴往往成荒原玉女池頭乞聖水
神龍何日來蟠蜿赤足踏冰不可得墉房元轡誰飛轡
吾將臥風北窗下門外熱客迴高軒

時久旱酷熱官吏
至太山取水禱雨

書感

蒼茫風露夢瑤京八尺桃笙似水清杳杳仙山迷遠海
娟娟涼月耐長更黃楊竟厄今年閏紅豆難拋往日情
衰鬢不堪振觸處夜來鸚鵡隔簾聲

夏日濟南雜作

七橋明月一湖花況是青山對鵲華故里何須問松菊
吾生聊可繫匏瓜逢人野話消清晝望遠微吟送落霞

自是浮雲無定著側身天地莫長嗟

來去無端逐燕鴻十年陳迹感飄風使君林下人何處

名士軒頭酒早空撫髀漸傷絲鬢白鳴騶驚避陌塵紅

江關詞賦餘蕭瑟流播他時說寓公

稚川何事又移居僻巷應無過客車三徑亦思元亮井

五湖未讀計然書茗爐清課林風細衣袖新涼幌月虛

莫謂小齋蝸一角絕塵真擬小方諸

蜉蝣身世苦經營靜後心同止水清短榻當窗新樹色

輕衫繞郭亂泉聲詩朋頗喜酬妍句醉尉今能察夜行

好是日高容睡足閉關懶漫稱平生

花宜館詩鈔 卷九

五

少伯元圃鄒蓉閣 在衡 俞四香 浩 各示和章疊前

韻奉荅

朝暮衰榮日及花一篇齊物悟南華敢思佳境如都蔗

已料浮生似朽瓜穀貴偏慳東海雨鄉遙空望赤城霞

棲遲濩落甘吾分翻遣親知動歎嗟

東遊纔識五噫鴻幾度南藤坐晚風失意名場文字賤

元圃報 罷方歸攜家遠道俸錢空 少伯眷屬方來自博興甚苦貧乏 耽吟易斷

衰髭白卻疾常防醉頰紅 元圃近以疾止酒 各有辨才能說法

只憐頑石負生公 兒于春杰先後從兩君讀書

人生只合故鄉居千里如何數駕車飄泊全家愁儉歲

蓉閣杭州人四香海甯
人今眷屬皆在山東 窮愁一意著奇書 四香撰西湖

波沂月歸須早硤石耕烟願久虛不爲買山錢未賜鷗

盟鷺約肯忘諸

諸公揮翰靜無營洗玉功深句律清百變旌旗誰大敵
千秋絃管有中聲及今開社休嫌晚翻幸拋官未遽行
夕諷晨哦閒事業莫教愁傍酒杯生

水磨

築石闌水水受磯失勢一落如瀆圍水中大輪三十載
衝激儻忽行如飛下輪上磴一柱貫輪旋磴轉無相違
不須輒炙膏與脂前莫與挽後莫推雷風交奮出奇響

花宜館詩鈔

卷九

夫

日月疾走無停機水流不方但圓折盤渦蹙碧跳明璣
不杵不臼米出甲屑玉萬斛晴霏霏自成精鑿匪人力
杜公巧製誰能希昔人豪橫殖生產妨民灌漑家自肥
今人生計嗟日微撈掠聊免鉛舂悲未須劉頌禁侵害
莫與衛尉同譙譏水聲激激寒生衣北方有此吾見稀
瘦驢幸免踏陳跡東風貫耳鳴斜暉

閨旱

一漑無功暑似焚鳴鉦伐鼓日紛紜 村人編柳覆首鳴

禱雨定知東海無冤獄何事西郊但密雲 金鼓昇神佛入城

得井龍乖迓禱空勤 郡縣井 醫創剜肉村農泣府寺深

沈恐未聞

種瓠

灌園新得樹瓠法碧色幡幡開嫩甲延緣弱蔓卷青絲
枯葦周遭瓦盆插濃濃露下夕氣滋涼秋取實當纍纍
以割而斟儷大斗未知能容五石否自憐小戶天所限
但可酌水莫酌酒不然去毛弗折項爛蒸食之適吾口
吁嗟乎匏瓜上應星文重濩落終憂世難用萬事休論
材不材區區草木供嘲弄君不見張府君如瓠壺外雖
肥澤中實粗又不見齊居士瓠無竅其堅如石徒姍笑
腰舟慎弗誇千金中流利濟誰能任

花宜館詩鈔

卷九

十七

余宦遊齊魯間凡六七年牽于吏事未嘗一躡天
門日觀之勝戊戌閒居濟南自春涉冬一室周
旋彌益嬾惰旣而將之京師遂決意先遊泰山
遊事畢然後北轅未晚也吾鄉姜玉溪恭綴方
宰泰安因以詩先之

名山在眼不得遊抗塵走俗爲神羞每因鞅掌自解說
無官不往今誰尤十月急霰鳴瓦溝具裝搜索青狐裘
夢魂昨夜已先到天門直上風颼颼玉溪詩人劇風雅
郵書急腳從之謀勿呼馬奚索官馬我已遣借烏犍牛
不然驢券書亦得橫騎倒跨容夷猶青芻白飯定不靳

更煩下若沾盈甌酒酣高興遂孤往擁琴便可從稷邱
白雲五十盤道古秦觀吳觀窮其幽胸中黎棗君已種
刀圭之藥非所求負鉏老父儻相見當覓神枕爲君酬

登岱三首

太山何高高百疊秀雲巘日色開鴻濛萬象破偃蹇仙
人駕海濤樓闕出晴晚古來登封者零落不復返悲哉
馬相如文筆空婉婉

袖拂天門霧手攬絕壑烟山勢如蒼龍東方走蜿蜒人
行龍背上衝衝欲登天樹老長不死安可問歲年不知
何處松種自秦皇前

花宜館詩鈔

卷九

六

白雲甚有情招我嶺上宿襪被就道人雲中幾茅屋鐘
唄了不聞階泉亂琴筑斜光下封中松門聚寒綠吳練
那可尋空勞望遠目夜半知有霜天鷄鳴斷續

趙北口

霜花打車篷晴影開水鄉叢蘆大柳下三五皆漁莊河
冰白礪柯凍鴨不下塘鷺翁坐負曝羣稚嬉其旁觀此
風景好江湖夢難忘做緼亦自煖薄酒亦可嘗如何歲
將盡雙轂行未央

喜遇舒蘇橋大守

夢齡

憶昔濠梁上莊休從惠施

癸巳識君于濠州

一官同濩落六載

復棲遲

君時亦罷官至京謁選

碧瓊花前籬紅爐雪後詩異方行

樂急莫遣鬢添絲

既至京師賃居宣武坊南圓通觀小屋三楹几榻

書卷之外無長物也殘冬風雪門庭寂然余又

性懶疏于酬接往往經旬無客過獨坐長吟頗

有蕭然物外之意

長安車馬日怱怱閉戶蕭然味不同小甕酒香微雪後

殘燈人影亂書中聞鐘已覺消諸妄投刺何煩溷乃公

餐飯漸加眠亦穩安心是藥別無功

花宜館詩鈔

卷九

九

花宜館詩鈔卷之九終

花宜館詩鈔卷之十

錢塘吳振械宜甫

古今體詩七十二首

起巳亥春
盡壬寅冬

雜詩

貞木有直理貞絃無豔聲不逐衆人嗜乃崇千載名
猛炬入幽藪神姦憎其明莊容登廣筵衆醉惡其醒託賤
謗易集居高勢相傾波濤在人心百險無一平古來逃
物外用意慕沈冥

誦經忍飢劬雞鳴屢風雨由來巖陸中蕭悴無好語匪
食糲與梅中腸自酸苦人心輕白望國勢杖羣輔元公
花宜館詩鈔 卷十

一
謝周鼎吐哺風已古

金以利能斷水以淡相浹管鮑貧賤交風義高岌業後
人多寒盟雞壇血空敵談笑生春陽胷中滿鱗甲谷風
何淒淒三復淚承曉空山無居人麋鹿欣可狎

黃樹齋與郭羽可儀霄同里同舉於鄉羽可以畫
竹名因屬爲長卷而貌已及羽可於其間爲竹

林二友圖

無竹使人俗趣深語非淺苟非得其人俗豈以竹免吁
嗟文湖州韞材欲盡翦自非老髯仙下筆那足盼君能
師眉山言語天下選生平風雨心獨與老可善泊然榮

落外相賞略軒冕以此求同調千載甚矣鮮輒歎晉七
賢濫廁無人辨竹意豈其然俗客終須遣

舒蘇橋牛山種樹圖

牛首山在巢縣蘇橋爲巢
令建講堂其上種樹無算

居鄴城中十萬戶敬君如神愛如父蒲鞭掛壁不復用
起看春山新過雨呼奴種樹高復下白木長鑿力同努
遂開精舍集都講共琢新詞壽湖姥長官清貧自有樂
大松能吟柳能舞風土清淑心所憐別夢遠落江湖前
巢人思君今十年山中樹色應參天

記別

葉葉輕衣試薄羅海棠香裏月痕多當筵一唱斑駁曲

花宜館詩鈔

卷十

二

三月春愁滿玉河

徐州

百年旦暮歎蜉蝣車轍無端徧九州坐看春風生白髮
又題詩句上黃樓呂梁月落河聲轉芒碭天陰樹色愁
那得脫身塵網外仙楂萬里溯崑邱

重至鳳陽

符竹恩榮第幾回

杖已五
任知府殿頭

溫詔愧非才濠梁未必魚仍樂城郭依然鶴又來從古
戰場多尙武祇今靈瀆易爲災拊循雕斲真無術敢說
官閒好舉杯

重遊龍興寺

樹石摩挲記舊緣南風吹暖麥黃天一官左降人將老
七載重來佛亦憐畫卷蛛絲封敝篋寺藏明太祖畫像江山龍
氣散晴烟刹那便有滄桑感不話前朝已惘然

寄蘇橋徽州

千里寒帷麥雨寒江南風物數新安春濃好賦花遊曲
事簡權充墨務官徽州率製佳墨簡客故云舊夢詎忘淮水上君兩守鳳

陽鄉心常隔楚雲端輸君咒筭成清興手刷香泥佐曉

餐官解在問政山麓產筭最佳俗呼問政筭

題宮庶侯思晉畫淮南山水

花宜館詩鈔 卷十

畫君門前山畫君門前水我雖非淮人亦頗識其似君
昔遊滇復遊蜀好山好水俱爛熟南宗北派不復論書
稿胸中貯千幅何不畫洱海之月點蒼雪又不畫鐵壁
關頭瘴雲熱不然驟網棧道境絕奇瞿塘灩澦灘石磊
砢畫亦宜豈規遠勢憚苦辛而乃尺幅圖此爲人生鄉
里情最親鷗鳥白雲皆故人閉門蕭然斷俗想坐看下
筆歸真淳濠州太守鬢已皤臬亭南望空嵯峨長淮不
送客帆返奈此春風生綠波

龍興寺梅花

茅屋城中十萬間絕無半萼破春顏偶來古佛旃檀海

如見仙人姑射山淨色應呈獅子座餘香猶點鹿胎斑
清宵夢繞千林雪終擬西溪一棹還

咏鷺

有引

鷺水鳥也鳳陽春時則來棲林樹幾滿營巢鷺
子秋盡乃去然惟觀察太守兩官廨及城外龍
興寺爲然今年春分後一日鷺至以千計視去
年爲尤早矣

細數巢痕樹樹空纔看蘋末轉條風忽驚霜雪滿林白
何日江湖與爾同哺子銜魚勞手口呼羣掠水任西東
高棲翻笑樊籠鶴老向人前舞未工

花宜館詩鈔

卷十

四

郡中偶成三首

大柳高榆綠滿廊一春風雨冷淮陽年年沈竈憂蛙黽
戶戶張圖下鳳凰郡人多以畫鳳爲業食菜事魔煩摘發採丸斫
吏重周防敢言畫諾兼清嘯容易消磨晷刻長

病足蹒跚嬾出門偶尋荒寺一攜尊長波直下僧伽塔
晴嶺遙連禹會村老馬嘶鳴無壯志野花寒瘦盡愁魂
由來繁麗終消歇詩興惟從寂寞論

茫茫得失付鷄蟲草草光陰換燕鴻世味飽嘗黃檗路
故交悽絕白楊風向來通介羞隨俗漸解癡聾學作翁

方爲杰
兒娶婦

夜氣感人渾廢寢攤書還戀短檠紅

宮庶侯蠻山校獵圖

俗吏治夷視羊豕良吏治夷視如子邊城無警里不譁
但輕徭役拋鞭筆山中以獵爲菑畚官來約束成三驅
怒馬獨出從兩奴腰下長劍血模糊羣夷短衣兩耳鐻
掎之角之左右趨草間射虎弩白竹銛勁直過毛胡盧
獻禽不忍私所獲壽君藤酒歌而呼當時豪氣壓蠻嶂
校獵圖成浩吟唱廿年潦倒成老蒼淮南月落愁相向
素髮頻添明鏡中好詩空繡弓衣上拔劍斫地歌莫哀
萬事由命誰能回可憐一障乘邊日已負長楊羽獵才

癸未余守大理君爲太和令皆由翰林改
官今重見于濠州前後相距已十七年

花宜館詩鈔

卷十

五

又題隨身一劍圖

亦儒亦俠亦風流萬里功名斗大州

曾爲蜀
州刺史

老去閉門

飢欲死燈前雙淚落吳鉤

有餽江鄉食品者感賦

韭芽黃翦金芹芽碧抽玉竹萌鱗鱗犢角新露濕香苞
春一束江鄉風味真可憐杏花風後櫻桃前一從蕭條
住淮海便有萬錢無處買今君愛我遠見貽欲膏饒吻
翻涕洟君不見貧兒斃草瘦如腊賤銀不來朝復夕里
胥徵錢造草冊

此康熙戊申三月廿八日吳玉隨程焦鹿董易
農汪荅文程周量梁藥亭王阮亭程翼蒼李湘
北陳子端李召林劉公誠諸先生小集玉河亭
紀事詩畫冊舊藏公誠家今僅有詩而圖已失
且阮亭玉隨焦鹿藥亭召林五人詩亦佚宮庶
侯游潁州得之市中因爲補圖按漁洋集作三
月晦日會者僅九人似誤

下朝軒騎恣盤桓河水春涵

帝澤寬此是康熙全盛日莫將杯酒等閒看

布衣華絨肯相親賭酒評花見性眞春事玉河依舊好

花宜館詩鈔

卷十

六

近來提倡屬何人

零落丹青舊畫圖遊魚睡鴨爲追摹不知十四年前事

還有鵝溪一幅無

順治乙未諸公會宴集於此

庚子六月書感

烽火連閩粵鯨鯢恣吐吞冠紳淪異類木石泣貞魂荒
畧何由竄高墳幾處存

王師企時雨亟洗海塵昏

重臣誰守土聞警忍遷延

丹詔空諄切蒼生竟棄捐幾時收版籍何處問樓船防

海資雄略憂心正悄然

慟哭陣誰守蒼皇艦已焚孤城付文吏一死愧諸軍止
水臣心見陰天鬼語聞遙知冤憤氣不散海邊雲

舟山

百六十年雄建置

康熙二十七年以舟山爲定海縣以舊定海爲鎮海

浙東屏蔽

此孤城崑崙市舶終貽甌

明嘉靖間胡宗憲禦

倭舟山陸路之兵伏于碇礮

海沸秋生三港路天陰鬼哭萬山聲出

羣才少安危重麾幟何時氣色明

舒桐之間山色最佳有南蔣者地尤清曠而近峰

遙嶺重疊綿互烟靄萬態不能窮之以詞余凡

四至至必停輿小憩徘徊久之而後去殆有夙

花宜館詩鈔

卷十

七

綠者歟

岡嶺旣深秀林澈復疎做人言舒桐佳我更喜南蔣不
知何因緣筍將數來往仰首紫翠中妙境滿襟想庶幾
谷名盤或有川號輞閒閒山中人逍遙日攜杖烟霞自
怡悅隨處足真賞征夫安及此目接終梢恍興適句易
成風葉蒼清響白雲知我心誅茅後來儻頗思從伯時
畫本天所餉

書三清畫卷後

并序

王椒畦學浩舊見是卷前爲夏仲昭款後有屈

杓陳憲章款蓋夏之竹屈之松陳之梅三人合

筆也不知何人割裂僅留太常半印椒畦復得
之以贈夏君介石仲昭伯兄之裔孫也介石之
子榮仕于皖出以相示因題其後

畫家誰得竹三昧有明頗重夏太常一枝一葉不苟作
兼金之價聞吳閩此卷合作得三友椒畦老人知最詳
可憐庸妄竟割裂卻幸妙蹟仍收藏畫梅不圓梅韻古
畫松不枯松氣涼屈陳風致並瀟灑更寫直節相扶將
腕底如發春雷聲能使百尺凌空蒼卽無半印亦可識
時無餘子能頡頏今年七月熱未歇午睡白汗如翻漿
忽然寒意動肌骨白雲翠霧滃滿堂北窗展卷坐復臥
花宜館詩鈔 卷十 八

飲程氏隸隱園

秋晨出郭門雲木何森竦勁草不知霜寒綠尚被壟主
人隱蓬蒿不材甘擁腫小園一畝所花氣晴愈重樓窗
拓面面岡嶺盡騰涌我今解印綬暫喜置閒穴雖無絲
竹娛聊共山杯捧詩成多醉語豈爲茲園寵江聲風雨
來擲筆一神悚

余將赴黔送春煇姪歸杭州

涕淚不忍別北風江水鳴西南天萬里如爾豈能行几
杖方扶老

浣雲元年
已六十

鄉閭况避兵蒲帆飛日夜急慰倚

間情

舊從芍陂得數鶴蓄之年餘今以贈徐柳臣太守

思莊於其去也以詩別之

芍陂春草如掌平白鶴羣飛飛且鳴閒庭荒圃忽相就
白石蒼苔殊有情池上秋晴敲雪斃纔開蓬蒿已先往
相對能無白髮愁相看儘有青霞想竹王萬里蠻山中
我欲西南問土風山中毒瘴非爾習肯教辛苦隨樊籠
故人攜贈情繾綣歲歲巢居祝安穩他日相思夜雨同
人間小別西風晚爪泥何處不東西莫更援琴彈慘悽
腰纏十萬知無分但欲尸鄉老祝鷄

花宜館詩鈔

卷十

九

別皖中友人

皖公山下住經年乍挂高帆指遠天正欲愁時聞雁過
最難忘處是龍眠誰家團扇留圖畫排日芳樽損俸錢
一夜離亭風笛怨荻花楓葉總悽然

發安慶

柳禿蒲衰不似前攜家重上楚人船多情惟有沙頭雁
送我江湖又十年

余忠宣公墓

皇天厭元德羣盜中原起已發勝廣難遂決巡遠死危
城外援絕烽火環千里艱難障江淮心膽并婦子六年

戰守兼臣力已竭矣淒風雕宰木寒燐耿塘水清塘水守墓聞無人悲禽啼不止

江行口占

獨吟獨酌扁舟客何古何今萬里流鬢禿齒搖驚欲老
風清月白迴生愁賸賸秋煖香秔熟箔箔春深雪繭收
細筭百年歸計好片帆不向海東頭

湖口縣

一縣水聲裏蒼茫好畫圖匡根出樓觀帆影跨江湖望
極天無際吟成日欲晡船人拜神貺爆竹助歡呼

望廬山作

花宜館詩鈔

卷十

十

鬱鬱向誰語行行吾甚慵夜聞彭蠡雨夢落香爐峰未
作秫田計難忘蓮社蹤何時東林去雲外獨扶筇

小姑山

力當奔濤衝勢斷羣峰伍金焦兩點外奇挺惟此數由
來豪傑士砥柱濟艱苦衆險不可撼乃獨有千古胡爲
謔彭郎冷黛誇眉嫵

黃茅潭

四更五更天未明烏鳥徹夜海螺鳴

邏者吹螺代柝

沙頭雨歇

江光黑已有嘔鴉打槳聲

舟行口占

百丈牽船犯曉寒腰環腳赤踏晴灘語兒莫羨風帆利
岸岸青山耐細看

雨泊分宜

章江西上路迢遙行到分宜始有橋借問鈴山人不省
斷林寒雨暮蕭蕭

袁州

霜篷只載客中愁甘脆何曾置兩頭日夜水聲雷鼓急
筒車多處入袁州

蘆溪道中

長年蓐食曉帆開灘急還憑短絳催水似妙文千百折

花宜館詩鈔

卷十

十

鷗如熟客再三來且貪暇晷搜書麓偶被新寒索酒杯
自笑非官亦非隱朝朝雲樹坐徘徊

上壩

外排萬枯椿中築石與泥橫攔或對東波濤爲町畦激
之緩者急拒之東者西來波高愈高去波低愈低有聲
無小鳴皆雷霆鼓擊小舟兀兀然如躡升天梯裊裊黃
篔簹一髮千鈞攜據地腰環環尻高首啄雞竹篙彎如
弓邪許衆力齊力盡不得進倒撞欲驚啼更懼舟觸椿
鋸若刀劍剗平流造奇險步步相排擠近程二百里淡
辰爲之稽我今齊得喪狎水如鳧鷖獨哀舟人苦相對

轉涕洟沽酒以勞之暮雪風酸淒

歲暮舟中感賦

扣舷低詠遣蕭辰枯坐翻於翰墨親綠樹芳洲思橘頌
清霜斷岫見楓人由來楚國多騷怨正憶明州沸戰塵
江上射潮強弩盡誰家歡喜歲觴陳

自四明被陷吾杭多移家遠徙者

移舟

漲落沙痕澗舟移水色渾遠山疑有霧疎樹不藏村已
覺身將老羞言舌尙存江潭逢釣叟風月自柴門

淶口

何處蒸湘劃上流輕舸容與向潭州雲連南岳窺朱鳥

花宜館詩鈔

卷十

三

水似西湖瀉碧油晚歲風霜多伏枕故人旌節擁鳴騶
未知撫字操何術飢雁聲聲和楚謳

災民多操小舟沿河旬食

長沙大風不得過江與賀六蔗農相見作此寄懷
旗腳風聲聒嘯呼迢迢沙岸隔檣烏蓬池人散華年失
嶽麓寒深客夢孤青瑣讒言攀屈賈黃塵倦眼醒江湖
定王臺畔今宵月可有清懷付玉壺

銅官

三十六灣灣復灣沙瓶貰酒向銅官

借韻

一夜北風吹酒

醒舵樓吹笛看君山

盡日行湖汊中雞犬村落草葦木石皆無有也

淺水容刀一尺強平沙極望太蒼涼只餘些子供描畫
淡淡寒雲著雁行

除夕宿晃州

萬落千村爆竹同歎余鞭鞞尙怱怱愁生燭爇杯空後
歲盡雷驚雨駛中夜大雷雨且放倦魂酣逆旅怕將節物話
鄉風癡髮未解身爲客笑簇花枝壓鬢紅

壬寅元旦喜晴

大雪曉披灑凍雨夕沾濡客程迫窮年日日雨雪俱有
雷空震驚有風不驅除天公抱沈憂慘顏不舒地下
蟣蝨臣仰首空躊躇今晨儻被眠笑語聞田夫暉光彌

花宜館詩鈔

卷十

三

六合道是三冬無衣冠起再拜再拜上枝烏願爲呼力
土上天翻日車以彼積陽火曛曛滄海隅蛟鱗盡崩奔
戢戢伏靈誅妖涎不敢吐毒霧不敢噓三光布精朗萬
物遂昭蘇念此大歡喜擊缶歌且呼屠麻有餘瀝亟潤
詩喉枯

石生

鎮一

殷生

銘

行雪中數十里相迓同至谷脚

已二鼓矣

不辭駮塚遲行旌老去門生倍有情廿載關河失青鬢

萬山風雪話殘更無多載酒元亭客頗憶煎茶試院聲

仕不去鄉吾所羨正宜微祿代躬耕

二生皆爲教官

蘇臺

千秋佳麗地歌舞屬蘇臺
幸兵烽遠長看幕府開
玉闌宵振笛花舫午傳杯
聞道姚江上千家又劫灰

望遠

海雲東望路漫漫勝日登臨強自寬
翠墨有情磨老境青山如笑對閒官
歸耕村陌心空在力挽天河事大難
聞說將軍閒醉日春風鼓角滿江干

陳訥齋大令

文衡

貽牡丹芍藥感賦

蠻徽花偏繡纈攢幾枝投贈感春殘
清遊少日湖頭盛小圃東風火後寒
近事頗驚鞞鼓急誰家能把酒杯看
花宜館詩鈔

卷十

十四

傾城顏色翻階態愁傍天涯獨倚闌

過李夢韶

鈞

廉訪夢草池上

池光一鏡平客至鶴長鳴
稗竹吹新粉春蟲撲晚晴
徑隨城堞轉雲傍石闌行
睡起詩奇絕烟絲芳草生
白鷗能款客春水共淹留
不謂風塵際翻同濠濮遊
看山發遐想得酒破長愁
露下芙蓉夕相期此泛舟

憫黔民

窮山地已開荒盡豐歲人猶乞
食多未免隱憂防鈔掠
正宜下考拙催科飲水茹檠知
誰是剜肉醫創奈爾何
雨霰莫愁無短褐已吹春律動陽和

遊雪畦洞登來仙閣晚眺

朱符墨牒判易了，筍瘦蔬肥貪午飽。閒官只合作清遊，況是看山晴最好。雪厓近在城南隅，石竅摩谿含清虛。恨無奇境闢奧窔，但有古佛常跏趺。長廊森森萬綠裏，風葉舉舉交婀娜。餘花幾點不成春，已老鶯聲啼向我。欲窮望眼登高閣，面面山如青鐵削。中央如礪不全平，天遣何年著城郭。舊時遊跡墮渺茫，廿載身名仍寂寞。旁人指點說頑仙，三度飛來健黃鶴。余已卯典黥試癸未復由黥入滇今三至 曖曖春烟向夕生，鱗鱗新水漲南明。沈吟獨客憑闌久，門外夕陽流磬聲。

花宜館詩鈔

卷十

五

夢韶餉茅苔酒

茅苔村名隸遵義府

君才如于公，治獄醉益明。我視何水曹，劣能識杯鐺。黥人鬻酒味多濁，更有竿兒陋苗俗。那似江南玉色醪，麴香泉冽乘春熟。頗聞釀法出茅苔，千山萬嶺焉得來。鳴鞭走送獨不惜，遂使病叟顏爲開。出不慕鐘鼎，歸不慕園廛。有酒直須酌，一酌輒陶然。柳花亂舞來，勸客今日正放春。風顛君不見，春風去來成百年。白日又落西山前。

前

鳳羽硯歌

并序

鳳羽地名隸滇之太和縣產石中硯材宮明府

思晉嘗琢一硯貽余歷十九寒暑矣硯固無恙
而宮君之墓已有宿草開匣檢視倏然作歌

鳳羽山中雲一片磨刀割雲規作硯年年判牒復哦詩
啓匣摩抄墨花徧非端非歛質不奇我意重是故人貽
故人意態最清狂相招躍馬遊點蒼酒酣日落弔蒙段
淋漓墨汁書滿牆後來學畫畫輒就謁我濠州攜滿袖
眞手眞硯足相敵可歎百年無硯壽君不見淮南大小
山八公一去不復還青桂叢叢化茅菅可有遺跡留人
間我將問硯石不言蟾蜍之淚流潺潺宮鳳陽人

五月十日長孫文騁生喜而有作

花宜館詩鈔

卷十

六

老去抱孫真慰意廿年前事一般情

辛巳余舉子于京師先大夫方解組

歸里聞之喜甚書來命名春杰

七旬人健初歸里千里書來爲命名我

喜蘆芽重擢秀客嘲甘蔗是旁生燈窗絮語山妻笑笑

指榴花屋角明

春杰亦五月生小名榴生

九日遣興

愁心滿江海萬里畏登臨決勝嗟何術傳聞恨轉深鵲
鷗啼廢堞燐火散秋陰野菊知仍好誰能倚醉吟

荆部波濤潤村村鴻雁聲如何淮浦上秋水復縱橫轉
漕官符迫防江使節明諸公恩寵極努力荅承平

冠蓋成高會東山廿四年

已卯典黜試事

殘僧識名姓春夢捲

風烟拙任時人笑，衰憑弟子憐。飛騰今已矣，得酒亦欣然。

越酒今難得。

嘆夷入江後，估舶不通南。酒遂無至黔者。

黃花怪不歸，救時心

已負竊祿計，終非伏枕空。憂國耽書易，忍飢家人報。消息松櫪近成圍。

翠微閣秋望

在城南觀音寺

白雲從何來，曉雨灑然作。僧房鐘未動，樵澗葉初落。冥濛飛鳥外，寒翠抱高閣。下枕南明河，急溜漱厓罅。筒車竝村喧，漁舸過橋泊。地近得清遊，心寂解塵縛。未須嗟遠宦，風景良不惡。

花宜館詩鈔

卷十

七

鐵柱篇

并序

南明河南所，有甲秀樓。樓前鐵柱二，長十尺，有奇一，稍殺下，無礎，上有蓋，四圍鑄字，凡六行。西林鄂爾泰公宜軒，勒保公平苗，紀功也。鄂桂銘曰：帝德光被，臣功赫煜。八萬古州生苗，貼服鎔干，銷戈鐵柱，蠹蠹表烈，垂謨載瞻，載肅勒柱銘。曰：聖武維揚，誕及蠻荒，興義洞洒，撻伐用彰，功成錫爵，苗俗安良，勦撫永制，銘柱重光。

一柱鑄自乾隆年，相公仗鉞來開邊。古州八萬古化外，上下九股相鉤連。自從雍正始，命將危厓大箐驅戈鋌。

幾回獮獶置郡縣中問叛服殊紛然一柱千支紀嘉慶
蕞爾南籠苗逆命文臣瑟縮久養癰妖人煽誘苗人聽
王師嗶嗶自楚來小醜跳梁更戡定八月十五覆賊巢
刀光月光夜相映屹然兩柱銘厥功細論難易未必同
要知

三聖布神化早看魑紛成華風磨風蠹雨鐵花裂天陰
鬼語聞嗚咽或云此鐵非是鐵乃是千人萬人血鑄爲
錢鑄力可任官吏擾農愁苦深廉威所被羣苗服我願
鑄爲良吏心

賀藕畊中丞將以元日禱雪龍祠同用東坡禱雨

花宜館詩鈔

卷十

六

張龍公得雪飲聚星堂詩韻

壬寅除夕

十月黔山微脫葉龍公先試頭番雪冬深氣暖放老晴
巒霧昏嵐埽俱絕山耕确确龜坼深圃汲勞勞鹿盧折
驟聞雨急土膏融喜抵雪深牛跡滅中丞望歲尚精禱
戊夜琅然閣鈴掣但願麩麥甦陳荇肯戀屠麻迷醉纈
會看喜氣入新桃萬戶千門糝瓊屑何須古潭問蛻骨
呼吸感通真一瞥百穀時熟民樂康歲朝吉語人爭說
亟爲傳告山中人好趁場期買犁鐵

用前韻呈李雙圃方伯

象鯤

夢韶廉訪索和

富體平稱詩累葉

先世自宋竹洲公以來多能詩者族叔鈴孫刊竹洲秀衍集

帙帙

清詞炯冰雪慚予蹇劣艱負荷未忍風流歎中絕濁酒
燈前寄慨慷小絃花下聽廉折旗亭未唱價不高僧祇
會題字都滅可憐細響候蟲鳴不是雄才海鯨掣一從
汗腳走塵俗更將繡樣拋花纈無端般爾急徵材竹木
兼收頭與屑中丞督詩甚急心如智井口欲瘡坐歎華年去如
瞥由來賀監重謫仙詩家舊事吾能說詞鋒知爾干鎖
銛不比尋常鑄凡鐵

憶去年除夕宿晃州愴然感賦仍用前韻

打槳渡頭舟似葉晃州城下吹殘雪滿城爆竹春雷聲
客舍光陰自清絕主人愛客重饋歲攝州事李君鐸酌酒頻頻

花宜館詩鈔

卷十

九

燭花折眼前骨肉尙團圓醉後牢愁暫消滅宦遊苦味
豈奇賜天或余憐不余掣豈知此境亦難再倏忽空花
散眼纈竹篋塵棲怕點檢瓶盆火煖翻騷屑平生空作
放達語向老真驚泡影瞥一家生計那能了卅年往事
從誰說布衾轉側不成眠槭槭嚴飈動檐鐵時王淑人歿已匝月

花宜館詩鈔卷之十終

花宜館詩鈔卷之十一

錢塘吳振棫宜甫

古今體詩九十首

起癸卯
盡甲辰

姚伯山同年

柬之

冷泉圖

昔歲冷泉亭子上乘興夜遊真放浪靈鷲峯前葉已秋
合澗橋邊水猶漲白石齒齒溪毛橫泉聲更帶松風聲
黃猿挂影林月明梵鐘未動詩先成年來飽看黔山色
處處泉飛蠻樹黑驛樓燈小風雨過怒響攪人眠不得
客中無復舊心情把君此卷成回憶一官萬里皆白頭
風中飛藿不自由幾時相約冷泉去清酒魚羹容易謀
花宜館詩鈔

卷十一

一

周小湖太守

作楫

評梅仙館圖

一圖老幹花不著一圖繁花淡墨作更有周熊兩幅同
野格橫枝朱粉錯松光竹影帶參差雪意雲痕添約略
藐姑射是仙人居平章肥瘦今何如有時近局呼野老
爛醉花底成歡娛胡爲出門戒行李拋卻梅花行萬里
綺窻消息那可問艾蒿連錢青未已去年握手黔山中
朝衙踏鼓聲寥寥天涯羈思易振觸嬾看蠻花無賴紅
今日披圖更惆悵我亦有家湖水上先人手植梅數株
年年花向春前放如今開落付園丁未必神情能張王
清時何忍說拋簪空爲鄉園思不禁君應不受梅花笑

作吏依然冰雪心

得鄉書雜成十六首

字字含嗚咽長賤復短賤鶯花非往日烽戍已頻年禍
孽天應悔傳聞語不全樂郊何處是惆悵聽啼鶉
岑港今無險東南幾震驚貸囚曾密詔按籍僅空城不
棄芻蕘議難調水火爭古來謀國者一意在澄清
去來煩故相事或舉棋然空有中黃士誰摧大白船粵
閩鋒屢挫吳會勢相牽使者星行急重張撻伐權
將門應出將白面喜談兵授鉞人人羨登陴夜夜驚蕩
除空有願狼狽竟無成塗炭安逃罪微軀謝聖明

花宜館詩鈔

卷十一

二

桓桓三總戎拒戰氣殊雄鐵杖捐生易金叉赴死同沙
潮千古恨猿鶴一軍空絕島無援應當時計未工
宗相尊朝寄旌旄又一時拜塵趨大吏開幕狎纖兒爭
唱從軍樂休嫌殺賊遲司農有供饋未用惜銖錫
喜怒憑參簿乘軒勢最尊嬉遊孟叔度輕薄陸長源謬
算軍資喪新愁鬼哭冤由來口打賊功級尙承恩
荆杞東西浙蕭條幾縣城遊瓌多潰卒朝彩但空營拜
表倉皇意爭舟憤噪聲檀公卅六策公等最分明
江淮招弩士奔赴竟如林跳免誰披羽搜牢似摸金散
歸精仗失酣飲野廬深此輩羞鋤耒萑蒲慮不禁

別築虞潭壘荒涼滬瀆秋水犀諸道集風鶴重臣愁綠
泖烽全逼黃橋骨不收壯哉韋子節戰死姓名留
北府兵稱健旌旗鐵甕高何人當重鎮不解禮諸豪妄
殺疑秦謀新聞唱董逃可憐單騎出萬骨委蓬蒿
玉帳重移日長江戍火紅孟明猶使過魏絳旋和戎軍
吏遷延甚諸司供帳豐空聞鎖廬昶罪狀恐難窮
羽檄朝朝警兵船處處譁宵嚴皆列柵地遠亦移家頗
被羣偷侮還憂間道賒寒貧甌甌障安穩轉相誇
說客來瓜步羣公聚秣陵自今安衽席未肯靳金繒埽
籜誰能辦吹壺衆所懲仇讐釋杯酒此語豈堪憑

花宜館詩鈔

卷十一

三

存亡責守土甲仗豈堅完漏刃生真倖嬰城事或難功
名惟欠死臭腐總因官家室纔相慶紛紛白筆彈
鄉里重相問傷心幾歲過衣冠淪小劫金粉擲長波野
火園林盡斜陽壁壘多長官來幾日休更說催科

簡俞秋農明府

汝本

驪儒老現宰官身躑躅蠻天劇苦辛積水沒人猶有雨
亂花吹瘴不成春魚肥蟹賤鄉心在竹瘦梅疎畫意眞
薄醉詩成應傲客滿囊珠玉漫憂貧

答章鷺門明府

詒燕

難索琴絃契全昏研匣塵一編開老眼萬里見斯人夢

落吳楓冷香寒楚蕙新蠻山待奇筆好爲狀嶙峋

行李輕如葉官程迫往還濕雲飛鳳嶺瘴樹老鴉關宦

味催成老詩心妙在閒煎茶看蠲眼佳句未應慳鷺門甫攝

安南縣事卽
檄調入簾

秋農送畫竹用山谷斌老送墨竹韻

往時鄭道人鄭燮墨竹噪流輩籜翁名更重錢載石本

遠方逮方其下筆時飛動風雨會妙豈在法中要不與

法背秋農後來秀二老法故在布置稍不同嬾寫幽蘭

配四幅忽送似幅幅皆可愛一幅淡欲無秋滿墨痕外

君來字黔氓于我才十倍骯髒恣豪吟媿嬰羞俗態契

花宜館詩鈔 卷十一 四

茲強直性把管此君對畫理請益君心小膽可大

竺个園明府承簡送墨竹仍次前韻

个園勤畫竹月計千百輩種相體性殊摹擬罔不逮十

年烏兩衷亦自有神會屈鐵作鈎鎖借石分面背問君

何師承清影窗月在黔陬論此事當以清老配秋農張

壁飽饒眼熊魚兼所愛遂疑攜二子唱觴湘烟外清老

更工詩君書工力倍詩寫竹清聲書盡竹古態幾時相

招致筆牀坐相對縱橫畫書詩竹屋湖頭大

舟夜聽周子瀉灑話舊事因憶令兄子愉項揚州

短榻灘聲外鄰船樹影中深談因仁月穩泊不愁風聞

道南遊日親看黠寇訂墟烟瓜步斷成火蒜山紅誰握
金符重爭誇鐵甕雄倉皇宵騎遁悽惻礮車攻擐甲人
俱散防江策遂窮會無一矢折已歎萬家空小縣殘兵

駐滄波戰艦通

子愉時爲常鎮道
奉檄守江陰縣

連旬警風鶴幾處化

沙蟲心已鞞刀決支猶羽檄工孤城拋弱弟

揚州居民
十九移徙

子清留守
權署甚久

單舸走衰翁

石藩太翁
避地泰州

幸決休兵議真羞卻

敵功全家巢卵在幻夢鹿蕉同壯盛離朝籍東南作寓
公書空休咄咄過隙亦怱怱換酒應懷阮牽船好住融
浮名輕失馬鄉思付歸鴻相憶千山隔吾方一棹東對
牀他日詠遠寄豁雙瞳

花宜館詩鈔

卷十一

五

由常德陸行宿大龍驛

灘聲聽已厭秋興爲山濃落日催征騎人烟接大龍草
痕微過雨樹色不離松便擬從樵者看雲拄一筇

仕宦南北輒與王淑人俱今所歷皆舊遊處泫然

有作

野店孤舟幾度緣夢痕重省漸茫然千山萬水愁中路
容易消磨廿九年

荊州

荊州雄勝地萬里扼襟喉英雄嗟已矣江水日東流

渡滹沱

午日仍寒色荒荒動遠愁沙連衰草白河擁斷冰流史
事憑誰問勞生復此遊布裘慈母線三十一春秋王申自蜀

入燕始過此

杜石樵師考以侍郎致仕癸卯復見於京師年八

十矣而神觀如昔畫山水摺扇并錄曩年督學

任滿去杭州時詩于上爲余贈行詩云誰家風

日非閒美何處樓臺不畫圖此去可能重到否

退朝清夢滿江湖因同原韻作七律一章奉呈

華紳三代並時無時公子受田官少司農公孫翹官祭酒皆由翰林致通顯聚順一堂婆娑

老福蓋海內未有其匹八十拈毫味更腴人說靈光重東魯心同

花宜館詩鈔卷十一 六

玉局戀西湖公能樂道不知老我竟忘歸媿此圖細認

樓臺烟水裏頓教鄉夢逐鷗鳧

五言二章寄友

鐘鼓發仙禁鳴玉見姪娥靜涵九淵珠耀豔三春華納

規拜永巷善言決江河佚女時見嫉青蠅樊棘多巧笑

恩自偏誰復相譏訶懷貞獨耿耿恐傷玉體和長門生

秋草抱瑟憂如何

嚶陽雙梧桐良工裁作琴有嬌御其一彈風和人心其

一在人間蛛塵網枯木不諧箏琶耳材蓋有不足亦欲

習新聲懼爲知音辱安能使兩琴合奏清廟曲

海澱之東曰雙橋有僧舍焉地極僻冷邴春浦尚

書雋藻賃居數楹榜曰雙橋精舍癸卯冬余至

京師尚書置酒極談留宿竟夕既別作四詩以

寄之

十笏殊清淨雙橋似隱淪讀書貪地僻約客見情真樹
色連馳道波光冷臥茵不因珂玉響誰識是樞臣

別久相勞苦殷勤拂玉卮開軒共寒月下酒得新詩濯
濯三春柳汪汪千頃陂獨因憂國意感激動須眉

名高時論忌任重

主恩深不覺成衰鬢無人諒苦心幾回棋局換三歎劍

花宜館詩鈔

卷十一

七

塵侵翻憶詞曹日相攜快嘯吟

世事紛紜甚余生骨相屯性迂乖衆嗜老至拜

殊恩故里瘡痍徧蠻山雨雪昏行藏計安決短燭共君

論

簡陶七舍人

際堯同年

十年守一階寂寂甘雌伏豈復愛熱官生平思爛熟乞

兒乘破車君但笑以目兒慧秋解早婦賢內儀穆樂飢

乃寡營量受斯養福人生規不朽詎在秩令僕古今文

獻徵後世懼不足頗聞大庫儲架閣多連屋鉅者參史

乘細者正吏牘掌故闕見聞文章句膏馥攜拾鼠蠹餘

殘零亦璣玉君誠有心人此計當久蓄世俗喜誇癡歲
月如轉燭中書君中書無待老而禿

贈人

壯歲功名徧霍間而今毛髮已成斑山中名姓無人問
自掬清泉洗箭瘢

書店壁

午晴蒸暖入征鞍釀雪陰雲作暮寒夜半酒醒風又轉
店門斜月大如盤

過保定陸立夫方伯

建瀛

招飲卽席有作

篋輿一日百里強天寒日落凍欲僵主人憐我已老憊

花宜館詩鈔

卷十一

八

置酒軟腳開西堂晶盤卅品薦美食華燭百挺懸宵光
喜心傾倒累十觴情親語雜無猜防聞君高論氣雄直
細思時事心傍徨

聖人明德在恭儉撫馭已見通海航國家元氣要培護
小生言事徒更張種魚宜使水氣靜樹木弗俾根莖傷
史公平準識深意往迹每歎卜與桑漢家三輔地最重
宜有仁政扶羸延安生順性勿駭怖藏富庶告農夫慶
酒酣仰視明當康占星來歲宜豐穰

過淇縣聞重臣先後往治中牟河

淇竹不堪伐蒼涼瓠子歌毋言館人匱尙有使車過左

藏會無靳

發內帑一百五十萬

流民恐已多吾

皇軫飢溺公等意如何

榮澤

病骨天還憫南風日日晴曙光兼月遠寒色過河輕至
日陽微動中原地最平澄清知已久攬轡不勝情

襄陽

下馬漢臯晚大隄吹亂塵好山多入楚寒水遠通秦者
舊名誰識英雄蹟已陳如何垂白歲辛苦作征人

題壁間畫

新鶯初試啼勸客勤酒瓊濛濛暈晴烟亂綠不可刻十

花宜館詩鈔

卷十一

九

年塵土客忽醒湖山眼

修徑入翠微溪水相映帶日午聞清鐘涼陰滿松檜老
僧來飯猿曳杖白雲外

洞庭秋已霜楓橘歲華晚雁影沒蒼烟天際一繩遠布
帆告將歸清夢夜繾綣

斜風驅急雪野屋嗟已破凍醪尙盈尊故人不我過似
有梅花香吟詩但高臥

十一月廿九日宿南新店距王淑人之歿蓋一期

矣愴然賦此

君未南歸我北行旅魂山剝太淒清經年愁緒知多少

細數燈前白髮莖

淑人栢厝貴陽扶風山寺

卅年宦海歎勞薪幾度相隨萬里身今夜孤燈荒驛裏

商量寒煖更無人

問到存亡復問年

玉音頻下轉淒然生平女伴誰能及可惜無因報九泉

頃域

召對

勤政殿東室蒙

垂問淑人存否

年若干有子否蓋淑人爲王勿庵少宗伯女嘉慶間侍

直上書房稔知其家事也

還過荊州太守程省齋表兄

伊湄

招春木共飲話

舊再宿乃行用親戚共一處爲韻作詩

意象負天翼文章翻海鱗檇寮壯盛日豈是一世人味

花宜館詩鈔

卷十一

十

道謝聲利不復謀其身和陶聊自悅晚得酒中真近來

依荊州宴坐最情親醉語雜莊諧猶患俗客瞋

欣然讀書孫布穀聲歷歷把杯臥聽之世故忘欣戚州

人不好事載酒吝滴瀝獨有王子淵

王孝廉柏心

交藻班左

轅獻璞晚見收祭軼云北適款扉遂無人如何遣岑寂

程兄守荆部江水驚烽洞城頭風雨聲生死萬家共

去請

年江水決隄事

天相功幸完官貧民善頌舉債不復愁自分耐

饑凍五年京塵別日月倦賓送買酒且放歡歲暮行請

俸

城東馬婆巷吾舅曾築室轄投陳遵井食饋鄭莊驛當

時蓬蒿中酒賤不蕭瑟今君憶田園肯待昏嫁畢歸徑
秋未荒我老天與侏樗寮亦熟遊座客指屈一
言歸事良難我復戒徒御一官在何許馬行天盡處遠
方便老孀小倩或蒙恕飽食輒駢顏惟茲苟祿故終嘗
踐初約白日不我顧君其理釣綸吾願采蕪賦

荆門道中雨

寒雨細已甚荆門山徑中灑空兼宿霧穿隙趁斜風江
近天常濕雲深路欲窮幾時吹作雪一白麥畦同

馬伏波祠下作

文淵平生意誥誠崇退讓東京一長者豈獨才大將壺

花宜館詩鈔

卷十一

十一

頭收全功當與駱越抗建武非庸駭胡中薏苡謗師行
萬里外君意移所向天厄病毒淫曳足憐悲壯激楚誰
訟冤逡巡始歸葬當時據鞍心老豈不自量下澤固所
懷效死莫予諒武溪至今深蠻笛逐悲唱

雪後宿澧州有懷張仲甫

應昌

莊芝階

仲方

吹斷城頭雪幾絲繞城清澧靜流澌梅花消息窗前月
白髮生涯客裏詩滿地江湖空入夢向南鴻雁又經時
天寒翠袖佳人遠欲采芳蘭寄已遲

桃源道中

短堠長亭拂曉過穉松新篠翠婆娑千山雪向春前盡

半世詩成馬上多，碁局易闌何勝負。仙源可訪莫蹉跎，
明年儻遂東風約。萬樹桃花一釣蓑。

十二月十五日宿鄭家驛月下有感

燈火青熒思悄然，馬嘶聲散驛門前。山千重處經三宿，
已卯癸未辛丑余偕王淑人三度過此。月再圓時又一年，長夜酒杯愁對

影暮齡文字易歸禪。雲鬟香霧今何憶，比似鄜州倍可憐。

平苗 辰沅道中作

平苗累代有戎旃，檠瓠祠邊想墮鳶。慰納孰同應世叔，
毒淫曾歎馬文淵。議從改土歸流定，事或焚山竭澤然。
花宜館詩鈔卷十一 十一
信史在朝謳在野，千秋功罪付流傳。

辰龍關

茲山何岩巖，路欲絕飛走。誰從九天上，鏟鑿出戶牖。焉
容兩騎並信足，一夫守。

仁皇昔討叛，湘澧征鼓吼。維時賊聚屯，豺虎喋血久。仰
見

天王旗里老，奉牛酒。崑崙半夜奪，露氣冷刁斗。一戰復
故壘，羸嬰獲慈母。西南萬重險，茲實拊其首。桓桓兩將
軍，破竹功在手。去今二百載，防風骨應朽。壁壘安可尋，
岡澗尙含垢。逆臣無逃誅，乾坤正綱紐。

高高望城坡歷歷沅陵縣樹色兩岸分炊烟萬家見冬

灘水痕瘦抱郭靜寒練側聞蔡將軍綏遠承恩眷綏遠將軍

蔡統當時珍吳凜苦戰躬刀箭如何不自慎賁死終嚴

謹勞歌武溪笛人事漢宮扇功名始終難君子貞不變

清山坡

山勢何巖嶮山氣寒更清日輪不可見似從山外行怪
石忽羣立向人作猙獰馬蹄石磨戛進火時一明山民
各樵汲呻嘔沸颺牲念此風土殊怫鬱傷余情

馬料泉

花宜館詩鈔卷十一

神龍蟄寒巖終古涎掛壁蒙密藤篠纏何處清冷覓山
靜始有聲聲盡復一滴仙人似招我昨夢領珠摘苦茗
嬾品嘗掬月弄的躑躅此鞅掌勞心塵豈能滌

虎溪書院

陽明昔未謫遠土空嚮慕天欲覺此邦羣小力為助龍
場望迢遞過此做車駐微言警羣愚青天瑞雲霧至今
撫殘碣突兀依雙樹蘭芷思薦馨溪風客沿沂

渡辰江望丹山

一江納雙流波勢捲寥廓羣峰壓扁舟頗慮篙櫓弱稍
稍灘脚迴遲遲沙尾著南望隔岸山千尺俯城郭石動

風雨懸谷暗夔魑樂云有仙真人栖此鍊大藥至今洗
丹處紫氣抱飛閣籀書九千外奇字誰所作山上刻字類篆而不
可舟師指示我靈跡具灼爍吁嗟塵濁中焉能招黃鶴
羽化多渺茫耳食誤假託祕籥啓靈臺萬象擲糟粕

自桃樹坳至巴家坳皆極險峻

入山耽苦吟摹狀成結構山意不我屈出奇與詩鬪茲
辰涉諸坳遂使我馬瘦上坡駭梯空下坡疾放溜苔滑
不受趾木標幾絕脰阪危側掀淖石裂下陷竇怪禽前
後啼霧雨無白晝一步一惕息十步一逗留入險非人
擠敢顛神物救飢疲無佳思鈍手欲縮袖但歌蜀道難

花宜館詩鈔

卷十一

十四

未免見聞陋

雨憩留雲寺

白雲不是人間物老衲留雲伴歲闌茶竈火紅松雨碧
一聲清磬萬峯寒

黔楚山中多茶樹高數尺至丈餘葉深碧凌寒不

彫花五出而白軋其實得膏曰茶油利甚溥也

顧花非玉茗海紅之豔葉又不足供茗事無以

邀士大夫之矜寵空山風雪特與野老作緣而

已

犀甲叢叢森不動幾朵低擎冰雪重空山抱此歲寒姿

落實猶能爲世用客來相向歎清寒無人采摘供吟諷
君不見長安天上多貴家圍爐鬪茗重簾遮鞋紅正賞

山茶花

雪中山行暮宿弓坪

十二月廿三日

風雪捲巒天淩兢袖一鞭人行山是玉地控水如弦

言此處地勢如弓前直沉水如弦故稱睡思敲牀得鄉

風祭竈沿不因喧爆竹渾未省殘年

雲門坳

斷壁虛無緣雲根斧嶙峋不信尺寸土行盡萬古人平

陂理靡常稍下徑可循昨夜戰玉龍萬片落敗鱗亂石

花宜館詩鈔

卷十一

五

沒頭角凹凸了不分役夫屢顧計一失驚心魂風來作

鯨吼雲去如獸奔天寒日下春力進毋逡巡數錢犒爾

百賣酒前有村

自小栗子關至大栗子關

扼隘斯號關大栗踵小栗冷翠夾萬峰壁壘儼對列中

間人蟻旋餘地尋丈劣奔放恐勢盡勦以百曲折紆迴

三五里蒙翳忽盡挾詎知置身高俯首見白日十夫挽

一輿神悚力并竭若臨大敵然敢謂出險必心目皆有

營獲濟喜色溢乃知諸葛君謹慎出功烈豈獨乘高危

古訓聞蹟坪

蜈蚣關

山有胡孫愁，嘔有蛇倒退。此復蜈蚣名，雖俚義不倍。高峯挺嶺，吮蘊毒多。荒蕨廉窾，忽啓鋒棱。刃全淬細路，走蟠蜿直上。洞腹背我，今閱世久。行道不足，慨不見。城市中亦有虺蜮在。

鎮遠除夕

江頭留過客，客裏盡殘年。翻覺羈愁失，真叨地主賢。兩

城譁爆竹

郡衙各一城

百榼送流泉

攝守朱同年德璣攝令陳君浩皆以酒食餽

未識家人輩，屠蘇飲孰先。

相見坡

花宜館詩鈔

卷十一

去

兩峯鬱相對，中厯路阻長。躋巔矚來徑，曲折裊羊腸。昔我始來此，妻子遠攜將。冉冉逮二紀，子今二十強。開我舊時鏡，隻影彌自傷。顧念茲山好，歲歲永相望。託質匪金石，策馬意傍徨。

甲辰新歲二日遇周雨亭觀察

澍

於相見坡方由

滇南入京師也，下輿相揖，卽口占一詩，然後談

十七年以來事，良久乃別去。詩云：人間日月似

飛梭，十七年來一夢過。相思歲歲不相見，相見

今朝相見坡。詞調清婉，以之入陽關，小秦王，殊

可歌也。是夕宿施秉，因衍其意，作此詩以記之。

與君聽鼓遊滇徼黃塵跣跋心自笑與君觀潮向海昌
潮聲欲到風滿塘當時豪氣皆可挹我未四十君五十
卻話垂髫左塾時已歎雙丸行太急秋藿隨風不並飛
沙禽逐食不同棲人生千里復萬里何處天涯尋馬蹄
新年霽雪山山遍相見坡頭忽相見人世推排十七年
君言如露還如電紛紜得失總雞蟲辛苦去來仍燕雁
夢裏身從湖水歸老來骨耐風沙鍊唱出風流七字詩
林猿澗鳥含悽戀君不見南高峯北高峯往來雲氣如
飛龍終須此地結鄰住相見朝朝扶短筇

宿楊老驛

花宜館詩鈔

卷十一

七

路短馬亦樂村貧飯每遲山圍楊老驛雨到竹王祠夢
醒燈猶在雲來客未知舊時張邈邇草履復何之

人曰宿龍里縣去貴陽僅一程矣作此寄家人

萬里逢人日山中尚問塗便歸仍是客且住未爲迂老
竹應抽筍春醪可滿壺迎門或相識最憶小於菟

雜詩

涇水貫渭流芳草蒙蕭艾清濁詎可同薰蕕性終在美
人畏謠詠小雅多忠愛長歌當痛哭聞者生駭怪消長
陰乘陽筮易見否泰

昔人樹松柏將爲世棟梁桃李花灼灼豈爲私室光貴

人誇炙手賤士乃升堂吹噓成毛羽乘風排帝閭時來
冠蓋盛勢去門戶歿寒暑必有復哲士識其常親讐何
所避美矣祁黃羊

春日遊扶風山

山近來尤數晴光翠勝螺

俗呼螺
嶺山

徑深新樹密雨歇斷

雲多鳥解當花舞

山有馴翠亭
蕃孔雀二

僧客載酒過似聞松鶻

裏隱約有樵歌

黔靈山

黔靈孰云遠朝夕在北戶命駕欣茲遊岡阜何回互瞳
矓欲上日披豁初解霧開堂何時僧法雨活萬樹純碧
花宜館詩鈔

卷十一

七

裏一山面目不復露修蛇徑盤盤前歧斷無路百轉快
新覲千級蹙窘步喘汗升其顛石角敗芒屨香臺功德
雲地靜鷓無怖小休青豆房松籠治茗具

壬甫弟自蜀中至

蠻嶺通黔蜀遠來攜瘦奴回頭幾離合彈指一須臾君
已垂垂老吾眞負負呼西園花亦好偏惜故園蕪

西園雜興

閒亭開窻窳高閣架坡陀芳景誰家有長吟獨自過鶯
聲晴樹碎蜨影午簾多更喜牆頭見春烟畫翠螺
白晝攤書地青山拄笏時空亭人坐久微雨燕歸遲石

薜全遮路風萍不滿池心憐妨屐齒新筍兩三枝
恐有微塵宛呼童淨埽除水香荷葉大風定柳花疏徑
轉時逢鶴闌低獨戲魚溪山畫圖裏相較竟何如
水色明於鏡因風糝落花鳧鷖眠淺草蝌蚪亂晴沙幕
捲遊絲入籬牽弱蔓斜明朝天氣好屋角豔餘霞

東山僧寺

我愛東山最閒寂松厓蘿磴鬱紆迴靜中閱世通禪悟
老去登高減賦才浴鶴春淙翻急霰鏗鯨午殿吼晴雷
上方好是昏黃後捲幕先看海月來

黔南二忠詩

有引

花宜館詩鈔

卷十一

七

甘忠果公名文焜字炳如其先江西豐城人後
遷瀋陽隸正藍旗漢軍累官至雲貴總督康熙
十二年吳三桂反遣族弟文炯齎疏入告而以
書報川湖總督蔡毓榮趣其集兵沅州聯黔楚
聲勢會巡撫曹申吉提督李本深已受僞命督
標兵久被脅誘調遣無受命者公度貴陽必不
可守令妾盛氏與婦女七人縊死而率數騎與

子國城筆帖式和善雅圖疾馳鎮遠比至副將
江義得三桂書以兵圍公於吉祥寺公衣冠向

北再拜自剄死

通志云
縊死

年四十有二國城和善

雅圖從死焉吉祥寺在吉祥山下寺有古柏二
堅若鐵石人謂忠烈之氣所結云

狼子藏野心一嗥乃衆應隻手障洪河人力安可勝乞
援謀自滅殉國志早定古柯寺門雙號風肅清聽

王忠毅公名之鼎漢軍正紅旗人以任襲二等
子爵累官至提督康熙十八年吳世璠據貴陽
賊將尤廷玉等犯永甯時公官四川提督率總
兵劉魁李芳述大敗之斬偽總兵毛友貴等勇
畧將軍趙良棟將進取雲貴調芳述等至敘州
而留公守永甯賊陷瀘州復來犯拒守甚久外

花宜館詩鈔

卷十一

十一

援阻絕賊穴地攻城陷公以印付僕陳善間道
歸成都而自率兵巷戰左腋創爲賊執昇之貴
陽世璠遣夏國相等說降公不屈賊怒以刃擬
其頸公瞋目大罵曰逆賊何不速殺我遂遇害
蓋康熙十九年九月二十九日也是日大風拔
木黃塵蔽天同死者總兵劉魁何承德以下凡

十二人

爲鬼當殺賊豈有降將軍嬰城復巷戰壯氣鬱如雲使
君不負國孰忍負使君風霾塞天地憤泣紛精魂

花宜館詩鈔卷之十一終

